

An pó dé jö le **refodam da tosser** en lönesc, ai 5 de messé
a San Martin dan le magazin di stödafüch dales 9.00 ales 10.00
a Lungiarü dan le magazin di stödafüch dales 10.30 ales 11.30

Aldiënza dla defensuria zivica en vëndres, ai 9 de messé, dales 14.00 - 17.00
tla ciasa de comun - ma sön prenotaziun 0471 946 020.

Le Comun chir relevadus/relevadësses por la compëda dla popolaziun.
Condiziuns: avëi rové na scora alta (matura) o n titul de stüde plü alt, na buna
conoscënza di lingac ladin, todësch y talian, de bunes conoscënzes da lauré
sön computer, esperiënza cun relevaziuns statistiches y savëi da comuniché.
Perioda de laur: otober - dezëmbër 2021; Raport : contrat de colauraziun
autonoma y de ocajiun; Paiamënt: do tarifes dla tabela dl ISTAT; Cuanitité do
le numer di formulars scric fora y dá jö; Termo por dé jö la domanda:
ai 09.07.2021, dales 12.00 da misdé; Info Ofize Anagrafich Tel. 0474 524 368

La Ciasa de Palsa Ojöp Freinademetz chir **n/a direttur/ia**. Les condiziuns por
tó pert ala seleziun ciafon sön www.ciasadepalsa.it. La domanda é da dé jö ti
ofizi dla Ciasa de Palsa cina ai 16.07.2021 dales 12.00. Info: 0474 524 783.

PLOANIES SAN MARTIN Y LUNGIARÜ

I Consëis de cöra á fat fora adöm da mudé **l'orar dles mësses prefesties**:
tl tēmp dl'ora da d'isté a San Martin dales 20.00 y a Lungiarü dales 18.30
tl tēmp dl'ora da d'invern a San Martin dales 19.30 y a Lungiarü dales 18.00

La Uniun dles Ères inviëa düc i geniturs che á n/a pope/a da batié, pers che
aspetta, toc y totes de **nosc decanat ala preparaziun dl bato en sabeda, ai
10 de messé, dales 15.00** ales 17.00, tl salf de colonia da Corvara. I stlujarun
jö l'incuntada cun n pice renfrësch. Prenotaziuns al numer 328 07 17 796.

LUNGIARÜ

Al vëgn dër bel perié do le **contribut por la ploania de 20 euro** por porsona,
tuc fora i studënc, che vëgn trat ite les domënies ai 11 y ai 18 de iuli do mëssa
te colonia.

I Seniors da Lungiarü é dër bel invia ala griliada dla uniun it'en Muntcörta
la domënia, ai 11 de messé, dales 12.00.
Al sará da paie 5 euro por porsona. (Sc'al é burt tēmp la fajunse tl frabicat dla
segra). Tolësse do la mascherina!!!

Pici y gagn s'incunta por sté adöm: La Uniun dles Ères da Lungiarü inviëa
families, geniturs cun mituns y mitans ai 6 de messé (mertesc) dales 15.00
inant ite da Punt de Rü Fosch por sté en compagnia.



www.valbadiaonline.it/comunita

Plata dles Ploanies San Martin y Lungiarü

ploan Klaus Sottas 344 15 54 055 - klstottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



04.07. - 11.07.21 nr. 32

14ª DOMËNIA IA POR L'ANN B

Vangele do Merch 6,1-6

Gejü ê rové tla cité de süa patria; sü discepu l'acompanhâ.
Le dé de sâbat insignâl tla sinagoga. Y le grôm de jënt, che l'ascutâ,
se fajô demorvëia y dijô: Da olâ àl pa dôt chësc? Cî sapiënza é pa chësta,
che ti é gnüda dada? Y cî mirachi é pa chisc, che sozed tres ël?
Ne n'é nia chësc le zumpradü, le fi de Maria y le fre de Iaco, de Ioses,
de Iüda y de Scimun? Ne vir nia sües sorus chilò danter nos?
Y ai se scandalisâ por ël. Dailò ti à Gejü dit:
Ignò ne n'à n profet tan pücia stima
co te süa patria, pro sü parënc y te süa
familia. Y al ne sciafiâ da fâ dailò degun
miraco; mâ a n valgügn püri ti àl metü sö
les mans y i à vari. Y al se fajô demorvëia
de süa incredulité. Y al s'un é jü fora por
i paîsc vijins y insignâ dailò.



*"Y al ne sciafiâ da fá dailò degun miraco."
Depënn les opres de Dî da nosta fede y da nosta crëta?
Nou, i ne sciafiï nia da impedí la potesté de Dî,
mo ara stá a me sc'i sun bun da odëi y da reconësce sües opres.*

*La jënt da Nazaret vëiga la sapiënza de Gejü y sües opres potëntes
y se fej demorvëia. Ai é sön le dër tru da rové a crëie,
mo spo se mëti instësc te tru.
Ai mina da conësce Gejü massa bun y ne ti á porchël degöna crëta.
Al ne sciafia nia da sozede mirachi
deach'ai ne pó nia sozede do la minunga dla jënt.*

*Danter i amará vára pro atramënter, chi vëgn varis.
Ai ti a crëta a Gejü y crëi ch'al é bun da i vari.*

EDEMA	SAN MARTIN	LUNGIARÜ	 Ti mëis de messé periunse do l'intenziun dl Papa <i>ch'i portunse pro cun ardimënt y pasciun al dialogh y al'amizizia ti conflic soziai, economics y politics.</i>  Por le tema dl ann "Sön tûa parora: s'architunse" n'él te chësc tēmp de Corona nia preodü de gran aziuns, mo vignun é invié da se lascé ite: Sc'i ascuti, me deuri al monn incéria y ala jënt. Nosc monn é plëgn de sciosciüre, porchël se dehausunse saurí da ascuté, da ascuté sô y da aldí fora l'essenzial. Sciöche porsones cun corp y anima messunse ciaré da aldí cun le cör por ne suraldí nia, danter les atres usc, la usc de Dî che baia. Tles zelebrazions de dlijia y canch'i prëii ôi me porvé da ascuté, da me daurí y da aldí. Dailó pól sozede che "la fede vëgn da ti ascuté pro ala parora de Crist" (<i>Romans 10,17</i>). Insciö periunse che Chël Bel Dî nes benedësces cun n cör che aldes la ligrëza y ince la meseria, les usc da plan y le chît y tan preziosa che nosta vita é. (<i>J.B.</i>)
04.07.21 14ª DOMËNIA - ann B	9.00 Corona do vocaziuns 9.30 Gran Mëssa por la comunité cun benedisciun dl tēmp (<i>don Francesco</i>) de reng. en onú dl Spirit Sant de reng. fam. Lorenz y Elisabeth Planatscher	7.55 Corona 8.15 Gran Mëssa por la comunité cun benedisciun dl tēmp 15.00 Corona tla capela de S. Ojöp Fr.	
05.07.21 Lönesc <i>Antonius M. Z., Letizia</i>	8.00 Mëssa sô Frëina vis y def. fam. Bino y Gemma Verginer 19.30 Mëssa a Picolin (<i>don Francesco</i>) en onur de Sant Antone		
06.07.21 Dedolönesc <i>Maria Goretti, Marieta</i>	19.00 Mëssa por na defunta + Paula Hofer		
07.07.21 Dedemesaledema <i>Klaus, Edda</i>	7.30 Mëssa (<i>don Francesco</i>) a d'intenziun	7.30 Mëssa de rengraz. fam. Agostino y Dorina Clara aniv. + Augustin Daporta por les püres Animes	
08.07.21 Jöbia <i>Kilian, Edgar</i>	7.30 Mëssa vis y def. families Prousch y Perathoner Corona por Vocaziuns		
09.07.21 Vëndres <i>Veronica Giuliani</i>	7.30 Mëssa a Picolin (<i>don Francesco</i>) a d'intenziun 18.30 Adoraziun chîta 19.00 Adoraziun deboriada	7.30 Mëssa + + Teresa Clara y Pasquale Wieser + Nando Clara	
10.07.21 Sabeda <i>Erich, Olaf, Engelbert</i>	7.30 Mëssa a Picolin (<i>don Francesco</i>) de rengraziamënt 20.00 Mëssa prefestia + Ida DeJaco + Pire Erlacher	18.30 Mëssa prefestia aniv. + Sepl Rives, Sartú aniv. + Emma Clara, Col	
11.07.21 15ª DOMËNIA - ann B	9.00 Corona 9.30 Gran Mëssa por la comunité cun benedisciun dl tēmp en onur dl Angel Custode dl ann + Erna Frenner + + Moritz y Tile Castlunger (dl ann)	7.55 Corona 8.15 Gran Mëssa por la comunité cun benedisciun dl tēmp aniv. + siur Fonjo Clara 15.00 Corona tla capela de S. Ojöp Fr.	